



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. II. Solvuntur argumenta initio proposita

[urn:nbn:de:hbz:466:1-77355](#)

voluntarium formaliter, seu per modum exercitij, sed terminativè tantum, etiam liquet: ut enim diximus in secundo notabili, peccatum originale non est de genere peccati actualis, sed de genere habitualis; quippe quod non consistit in aliquo actu, vel actuali omissione à parvulis exercita, ut est per se notum, sed in termino & effectu in illis ex peccato Adami reliquo: Atqui peccata habitualia solum sunt voluntaria terminativa, tanquam effectus seu termini ex peccato actuali reliquo: Ergo & peccatum originale.

27. Dices: Peccatum originale est formaliter peccatum: Ergo & formaliter voluntarium, & non tantum terminativa.

Sed nego consequiam: licet enim ratio voluntarij, ut potest moralitatis fundamentum, ad omne peccatum requiratur, non tamen est necesse utriusque denominationem eodem modo alii convenire: ostendimus enim suprà disp. 3, art. 4. aliqua, quae solum denominant voluntaria in causa, denominari peccata absolute & in se, & aliqua que formaliter sunt peccata, solum interpretativa voluntaria esse.

28. Tertia denique pars, quæ dicit peccatum originale non esse voluntarium physicè parvulis, in ordine ad propriam ipsorum voluntatem, sed duntaxat moraliter per ordinem ad voluntatem Adami, continentis per modum capitis omnium hominum voluntates, exprefse docetur a D. Thoma hic artic. t. sic dicente: *Homines ex Adam derivati sunt tanquam multa membra unius corporis: actus autem unius membris corporalis, putata manus, non est voluntarius voluntate ipsius manus, sed voluntate anima, quae primo mover membrum: unde homicidium quod manus committit, non imputaretur manus ad peccatum, si consideraretur manus secundum se, ut divisa a corpore, sed imputatur ei in quantum est aliquid hominis, quod moveret a primo principio motivo hominis. Sic igitur inordinatio quæ est in isto homine ex Adam generata, non est voluntaria voluntate ipsius, sed voluntaria primi parentis, qui moveret motione generationis omnes qui ex eius origine derivantur, sicut voluntas anime mover omnia membra ad actum. Quibus verbis S. Doctor aperte declarat, quod sicut percussio facta per manum est voluntaria, non per voluntatem existentem in manu, sed per voluntatem totius suppositi, cuius manus est pars; ita peccatum originale à pueris contractum, habet esse voluntarium, non per voluntatem physicè in illis existentem, sed per voluntatem Adami, in quo velet in capite totius humanæ communis, omnium hominum voluntates moraliter continentur.*

29. Advertendum est tamen, voluntatem Adami secundum se sumptam, non sufficere, ut eā sit nobis voluntarium peccatum originale; alias enim fieri non posset ut in Adamo non peccavimus, nec esset major ratio, cur potius primum Adæ peccatum nobis imputaretur, quam alia; sed insuper requireti ex parte Dei decretum, quo statuerit voluntatem Adæ esse habendam pro voluntate posteriorum, quantum ad conservationem vel amissionem justitiae originalis. Ratio est, quia ut peccatum originale sit nobis voluntarium voluntate Adami, non sufficit ut ille sit caput naturæ, sed requiritur etiam ut sit caput morale: Sed ad hoc necessarium fuit prædictum Dei decretum; nam esse caput morale non habuit Adam ipso jure naturæ, sed divina insti-

tutione, quæ tale decretum includit: Ergo &c. Præterea ex parte Adami necessarium fuit, ut illud decretum ipsi manifestaretur, alioquin invincibiliter ignorasset, se operari ut caput morale omnium hominum, subindeque non potuisse ut caput naturæ delinquere, sed solum ut particularis persona.

Confirmatur: Hoc ipso quod Adamus peccavit ut caput, gravius deliquit, quam si ut particularis persona peccasset, sicut docet Divus Thomas 3. p. quæst. 1. art. 4. Atqui major hæc gravitas nequit ipsi imputari, nisi sit voluntaria, nec potest ipsi voluntaria esse, nisi sit ei nota talis circumstantia; si enim nullo modo fit praævisa vel cognita, nequit ei imputari: Ergo ut delinqueret tanquam caput naturæ, necessarium fuit ut cognosceret Dei ordinationem, quæ fuit constituta caput morale sua posteritatis.

Ex quo intelliges, pactum inter Deum & Adamum intercessisse, ut si obediret, non tantum ipse justitia originali potiretur, sed ex ipso ad omnes ejus posteros transiret; si vero peccaret, talen pio & pro tota posteritate justitiam amitteret: nam ordinatio illa Dei de transfundenda aut non transfundenda justitia originali ex conditione adimplitionis divini præcepti, cognita ab Adamo, & ab ipso acceptata, habet rationem pæci, unde in Scriptura eo nomine appellatur, ut patet ex illo Oœc. 6. *Ipsi scilicet Adam transgressi sunt pactum, ibi prævaricati sunt omnes. Que verba de prædicto pacto, quod in paradiſo cum Adamo transgressi sumus, intelligunt Hieronymus, Cyrillus, Prosper, & alij super hunc locum, idque sonant verba illa, ibi prævaricati sunt omnes, scilicet in paradiſo, ubi Adam prævaricatus est.*

S. II.

Solvuntur argumenta initio proposita.

D **E**X dictis etiam habes solutionem argumentorum, que in ratione dubitandi initio articuli propofuimus. Ad primum enim responderetur peccatum originale, eo modo quo est voluntarium, scilicet à principio intrinseco cum cognitione: cùm autem non sit voluntarium nobis physicè & per actum propriæ voluntatis, sed moraliter tantum, per ordinem ad voluntatem Adami, modo supra explicato, non est necessarium ut procedat ex principio intrinseco proprio, & ex propria cognitione, sed satis est ut procedat à principio intrinseco Adæ, quod etiam est quoddammodo intrinsecum nobis, eò quod Adam sit principium naturæ humanæ, & caput nostrum, non solum naturale, sed etiam morale. Unde

E **A**d secundum dicendum est, voluntarium personale debere esse in potestate voluntatis propriæ illius cui voluntarium dicitur; voluntarium vero capitale, solum debere esse in potestate voluntatis capitatis continentis moraliter membrorum voluntatem: quare cùm peccatum originale non sit parvulis voluntarium voluntate personæ, sed duntaxat voluntate capitatis naturæ humanæ, non requiritur quod sit in potestate illorum hinc defectum habere vel non habere, sed sufficit quod fuerit in potestate Adami peccare vel non peccare. Solutio est D. Thomæ in 2. dist. 30. qu. 1. art. 2. ad 1. ubi sic ait: *Peccatum originale, cùm non sit virium personæ ut persona est, sed quasi per accidens, inquantum persona*

babet talem naturam, ideo non oportet quod sit in potestate hujusmodi personae, hunc defeluum habere vel non habere, sed sufficit quod sit in potestate alicuius qui est caput in natura illa.

34. Ad tertium dicatur, quod ut peccatum originale sit hominibus voluntarium voluntate capitatis, non requiritur quod ipsi voluntatem & consensum suum quoad conservationem vel amissionem justitiae originalis in Adamum transfluerint, sed sufficit quod Deus constituens illum caput nostrum naturale & morale, posuerit in illo omnium nostrorum voluntates: nam cum sit rerum omnium nostrarum supremus dominus & gubernator, magisque habeat in sua potestate voluntates nostras quam nos ipsi, jure suo absque nostro consensu potuit statuere, ut voluntas Ade esset voluntas nostra, quoad conservationem vel amissionem justitiae originalis, non quidem quantum personae singulares sumus; nam sic quilibet habet propriam voluntatem, sed quatenus sumus partes & membra totius multitudinis hominum, a primo parente humanam naturam accipientium.

35. Potestque hoc confirmari & illustrari exemplo ex civilibus defumpo: videmus enim in rebus humanis & civilibus, quod princeps & legislator potest voluntates plurius in unam alicuius transferre, ita ut quicquid ab isto factum fuerit, ab illis etiam fieri & approbari censeatur; ut patet in pupillis & minoribus, quorum voluntates ex iustis principiis, & legum dispositione, in voluntatem curatoris vel tutoris transferuntur, etiam illorum consensu inexpectato. Quod si in legislatore & principe creato haec inventur facultas, a fortiori concedenda est Deo supremo principi & legislatori, qui ex se majus & excellenter habet nostrarum voluntatum dominium, quam quilibet humana potestas, & quam nos ipsi, juxta illud D. Augustini de correptione & gratia cap. 14. *Magis habet Deus in potestate hominum voluntates, quam ipsi suas.*

36. Adverte tamen hoc inter Deum & principem creatum intercedere discrimen, quod Deus unam voluntatem ita potest cum alia unire, ut peccatum alteri imputetur, sicut de facto voluntates omnium hominum cum voluntate Adami ut capitatis moraliter ita conjunxit, ut illius inobedientia & peccatum omnibus ejus posteris imputetur; in principe vero vel legislatore creato non est facultas uniendi alienas voluntates in ordine ad effectus ita intimos, sicut necesse est ad peccandum, sed solum in ordine ad alios exteriores, qui humana potestati subduntur. Ratio verò hujus discriminis manifesta est: cum enim peccatum non contingat nisi per aversionem ab ultimo fine, ille duntaxat potest unam voluntatem cum alia unire, taliter quod peccatum unius alteri imputetur, qui potest utramque ad prædictum finem ordinare, & circa talem ordinacionem quicquid voluerit disponere; quod esse proprium solius Dei manifeste constat.

37. Qures, an de potentia absoluta potuerit Adamus, vel quilibet aliis constituti caput morale illorum, quorum non esset caput naturale, ita ut illorum voluntates in ejus voluntatem transferrentur, & consequenter in illo peccarent, quamvis extra causas existentes, quando caput delinqueret?

Respondeo affirmativè cum Magistro Herrera lib. i. de conceptione cap. 8. §. 3. & Basilio Legionensi relect. 2. difficul. 2. contra Zumel hic

Tom. III.

A art. i. Montesino art. 4. qu. 9. num. 140. ubi pro se refert Medinam & Curielem.

Probatur breviter: Non ideo in Adamo peccante peccavimus, atque ex illo peccatum contraximus, quia in illo fuimus ut in capite naturali, sed quia voluntates nostræ in ejus voluntatem fuerunt translatae: Sed potuit Deus voluntates nostras in Adami voluntatem transferre, absque eo quod in illo ut in naturali capite physicè contineremur, etiamsi existeremus jam extra causas: Ergo potuit esse nostrum caput morale, quamvis caput nostrum naturale non esset, etiam respectu illorum qui jam extra causas existent. Major constat ex dictis, Minor autem probatur. Ratio à priori cur Deus posteriorum voluntates in Adami voluntatem transferre potuit, est supremum dominium quod habet in nostras voluntates: Sed Deus non minus gauderet supremo dominio in ordine ad illos qui in Adamo physicè non continerentur, quam respectu illorum qui physicè continentur: Ergo sicut potuit istorum consensum in Adami voluntatem transferre, ita potuit in eam transferre voluntates illorum qui in Adamo ut in capite naturali non continerentur, quamvis extra causas existent.

Confirmatur: Ego ob dominium quod habeo supra proprios actus, possum consensum meum in alterius voluntatem transferre, ita ut quod ipse fecerit, à me factum censeatur, eti in illo physicè non contineat: Sed Deus magis habet in potestate voluntates hominum, quam ipsi suas, ut supra ex Augustino diximus: Ergo absque præsupposita physica continentia, poterit unius consensum in alterius voluntatem transferre.

Dices primò: Augustinus Epist. 23. ad Bonifacium, rationem reddens cui parvulus trahat reatum ex Adamo quod expiationis gratiâ solvit, non aliam assignat, nisi quia unus erat cum illo, & in illo, quando quod traxit admissum est: Ergo sentit necessarium esse, ad hoc ut unus in alio peccare dicatur, & ex illo trahat reatum, quod in illo physicè & tanquam in capite naturali continetur.

Sed facile respondetur, Augustinum non assignat rationem illius quod potuit contingere de potentia absoluta, sed solum illius quod de facto contingit, & secundum illum ordinem rerum, juxta quem non fuit Adamus constitutus caput morale, nisi respectu illorum quorum etiam fuit caput naturale: ex quo non sequitur Deus non potuisse aliter facere de potentia absoluta.

Dices secundò: Peccare in aliquo supponit esse in illo: Sed qui in Adamo physicè non continetur, non esset in illo, nec formaliter nec virtutaliter: Ergo non posset in illo peccante peccare.

E Respondeo distinguendo Majorem: Supponit esse in illo physicè vel moraliter, concedo Majorem: physicè semper, nego Majorem. Similiter distinguo Minorem: qui in Adamo physicè non contineretur, non esset in illo physicè, concedo, moraliter, nego. Nam sicut ego transiens meum consentum in alterius voluntatem, sum in illo moraliter, ita ut illo aliquid efficiere, à me factum existimet, eti in illo physicè non contineat; ita Deo, ob supremum dominium quo gaudet, meum consensum transferente in alterius voluntatem, moraliter sum in illo, adè ut quod ille præstiterit, à me factum reputetur.

Instabis: Ex hoc sequitur quod posset ali-

Hhij

38.

39.

40.

41.

42.

quis adultus peccare in capite, in quo ejus voluntas moraliter continetur, & simul propria voluntate tale peccatum detestari: quod videtur absurdum.

Sed negatur sequela: quia ut peccatum capitum adulto imputetur, necessarium est quod tale peccatum sit illi voluntarium moraliter; eo autem ipso quod propria voluntate capitum voluntari opponatur, & illius peccatum retractet, vel illi efficaciter resistat, peccatum capitum non est illi voluntarium moraliter, & consequenter non peccat in capite. Quod duplice exemplo declarari potest. Primum est in parvulis, qui in instanti conceptionis peccatum originale ex Adamo contrahunt; si tamen Deus alicui illorum auxilium præberet, quo in tali instanti eliceret actum efficacem dilectionis supernaturalem, Deumque super omnia diligeret, non contraheret peccatum originale, eò quid propter talem actum peccatum capitum, quatenus fuit suum, efficaciter retractaret, & consequenter impediret ne illud influxum moralem exerceret, peccatum originale in se transfundere.

43. Aliud exemplum est: Si ego meum consensum in alium transferrem quoad percussionem alicuius v. g. & voluntatem meam non retractarem, illius percussio, mea reputaretur: si vero priusquam alter percussionem exerceretur, meum consensum retractarem, percussionemque efficaciter detestarer, illa mihi non imputaretur in foro interiori, nec mihi esset voluntaria moraliter. Idem cum proportione in casu proposito dicendum est: si enim adultus peccatum capitum, in quo ejus voluntas moraliter continetur, per actum proprie voluntatis non retractet, & voluntati capitum non se opponat, ejus peccatum imputatur illi; secundum autem, si per actum proprie voluntatis ei resistat, ejusque peccatum detestetur; tunc enim peccatum capitum non est illi voluntarium moraliter.

ARTICVLVS III.

Quomodo peccatum originale per generationem in posteros Adae traducatur?

44. CERTVM est, peccatum originale per generationem & seminalem propagationem ab Adamo tradi in posteris; ut enim ait S. Thomas hic qu. 8. art. 1. ad 2. *Pervir utem seminis traducitur humana natura à parente in prolem.* & simul cum natura naturæ infectio: ex hoc enim fit iste qui nascitur consors culpa primi parentis, quod naturam ab eo soritur per quandam generativam motionem. Unde Job. 14. dicitur: *Quis potest facere mundum de immundo conceptum semine?* nonne tu qui solus es? Quibus verbis (ut advertit idem S. Doctor 4. contra gent. cap. 10.) denotatur quod ex immunditia humani seminis, aliqua immunditia (peccati scilicet originalis) ad hominem ex semine conceptum pervenit. Sed gravissima difficultas est, quomodo mediante seminale, quod est substantia quædam corporeæ, peccatum originale ab Adamo tradi possit in posteris, & productio gratiae seu justitiae originalis impediiri.

45. Prima sententia docet in humano semine inesse aliquam qualitatem morbidam, aut infectionem realem ei superadditam, & ab Adamo derivatam, quæ peccatum originale causat,

A sicut in semine leprosi est quædam corruptio quæ est principium lepræ. Ita Gregorius, Richardus, Henricus, & alij, qui talem qualitatem non ex peccato Adami, sed ex serpentis sibilo veneno fuisse derivatam afferunt.

B Verum hæc sententia, seu potius delirium, à Theologis communiter rejicitur: tum quia talis qualitas videtur omnino fictitia & chimica: tum etiam quia dato quod sibilus venenosus serpentis illam potuisset cauflare, eam solum produxisset in Eva, cum qua serpens colloquium miscerit, non verò in Adamo, cum quo sermonem non habuit. Et date quod in ipso qualitatem illam cauflasset, unde, quæso, potuisset tam fortis & validas obtinere radices, ut tot annorum curiculis firma perseverasset, nisi Deo speciali cursu illam conservante? quod nefas videtur divinae providentiae attribuere. Unde

C Secunda sententia afferit in semine hominum in natura lapsa, seclusa omni qualitate morbida superaddita, esse virtutem instrumentalem, seu qualitatem fluentem productivam peccati originalis, & derivatam ab Adamo tanquam à causa principalis. Cui sententia favere videtur S. Thomas hic qu. 8. art. 1. in corp. ubi sic ait: *Peccatum originale fuit in Adamo, sicut in prima causa principali... in semine autem corporali est peccatum originale, sicut in causa instrumentalis.* Et quod st. 4. de malo art. 1. ad 9. agnoscat in semine intentionalem virtutem, ratione cuius in illo continetur peccatum originale, ad modum quo color est in aere, & anima in semine.

Hic tamen dicendi modus difficilis appetet; Nam qualitas fluida, motioque intentionalis non possunt de novo existere, nisi etiam existat principium efficiens illarum: Sed modo Adamus & peccatum ejus actuale non existunt: Ergo Adamus per suum peccatum nequit esse causa efficiens qualitatis fluidæ vel motionis intentionalis in semine humano, quæ mediante peccatum originale in posteris producat.

D Explicatur amplius: Vel qualitas illa fluida existeret habitualiter in semine, vel solum tunc quando à genetante deciditur, & generationi applicatur? Non primum, tum quia permanentia habitualis non convenient fluida qualitatibus; tum etiam quia jam incidetur in sententiam supra confutatam de qualitate morbida. Nec secundum, quia quando semen deciditur, Adamus non existit, nec peccatum illius, & consequenter nequit ab illo effici physicèque causari qualitas prædicta: Ergo talis qualitas & motio intentionalis sunt impossibilis.

E Ut ergo vera sententia, & germana mens D. Thomæ percipiatur. Notandum est ex Ferrariensi 4. contra gent. cap. 5. Conrado hinc qu. 8. art. 1. Lirano super cap. 5. Epist. ad Roman. Salmanticensibus hic disput. 14. dub. 3. §. 3. & Thoma Leonardi in libro quem nuper edidit de tripli statu naturæ, lib. 2. cap. 15. quod quia Adamo data fuit justitia originalis non pro se tantum, sed sub eo pacto, ut si in innocentia permaneret, in omnes posteros, qui per seminalem propagationem ab eo descenderent, simul cum natura & per ipsum generationis actum illam propagaret, consequenter in semine ejus fuit virtus instrumentalis justitiae originalis causativa, quæ per primum Adæ peccatum ab ipso fuit ablata, ut docet S. Thomas qu. 4. de malo art. 1. ad 9. cuius verba infra referemus. Unde sicut in statu innocentiae duplex consideranda esset ratio in semine